



SLUŽBENI GLASNIK

OPĆINE TEŠANJ

IZDAVAČ: Općinsko vijeće Tešanj UREĐUJE: Stručni odjel Općine Tel. 032/650-022 Trg Alije Izetbegovića 11, 74260 Tešanj E-mail: sajda.kleplic@opcina-tesanj.ba	Godina LV - Broj 5 Ponedjeljak, 13.06.2022.godine T E Š A N J	ŠTAMPA: Općina Tešanj Priprema: Sajda Klepić, Tehnički sekretar Vijeća "Službeni glasnik" izlazi po potrebi
---	---	--

Na osnovu člana 2.12 stav (6), člana 2.15. stav (2) Izbornog zakona Bosne i Hercegovine ("Službeni glasnik BiH", broj 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10 i 18/13, 7/14, 31/16 i 41/20), člana 11. stav (2) Uputstva o utvrđivanju kvalifikacije, broja i imenovanju članova izborne komisije osnovne jedinice izborne jedinice u Bosni i Hercegovini, prečišćeni tekst („Službeni glasnik BiH“ broj: 67/21, 73/21, 1/22 i 13/22) i člana 14. Statuta Općine Tešanj (“Službeni glasnik Općine Tešanj” broj 11/07) Općinsko vijeće Tešanj na svojoj Hitnoj sjednici održanoj dana: 13.06.2022.godine donosi

R J E Š E N J E **o razrješenju predsjednika i tri člana** **Općinske izborne komisije Tešanj**

I

Zbog isteka mandata razrješavaju se dužnosti predsjednik i tri člana Općinske izborne komisije Tešanj, kako slijedi:

1. Kanita Gredelj, predsjednik
2. Smajo Čeman, član
3. Ivan Duvnjak, član
4. Muamer Omahić, član.

II

Ovo rješenje stupa na snagu danom objave u „Službenom glasniku Općine Tešanj“, a primjenjivat će se nakon dostavljanja saglasnosti Centralne izborne komisije BiH.

OPĆINA TEŠANJ
OPĆINSKO VIJEĆE

PREDSJEDAVAJUĆI VIJEĆA **Amir Kurtić, s. r.**

Broj: 01-04-2-1432-3/22

Datum: 13.06.2022. godine

Na osnovu člana 2.12 stav (6), člana 2.15. stav (2) Izbornog zakona Bosne i Hercegovine ("Službeni glasnik BiH", broj 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10 i 18/13, 7/14, 31/16 i 41/20), člana 11. stav (2) Uputstva o utvrđivanju kvalifikacije, broja i imenovanju članova izborne komisije osnovne jedinice izborne jedinice u Bosni i Hercegovini, prečišćeni tekst („Službeni glasnik BiH“ broj: 67/21, 73/21, 1/22 i 13/22) i člana 14. Statuta Općine Tešanj (“Službeni glasnik Općine Tešanj” broj 11/07) Općinsko vijeće Tešanj na svojoj Hitnoj sjednici održanoj dana: 13.06.2022.godine donosi

R J E Š E N J E **o imenovanju zamjenskog predsjednika i tri** **zamjenska člana Općinske izborne komisije** **Tešanj**

I

Imenuje se zamjenski predsjednik i tri zamjenska člana Općinske izborne komisije Tešanj, kako slijedi:

1. Bećir Halilović, zamjenski predsjednik
2. Azra Alić-Bedak, zamjenski član
3. Ivan Duvnjak, zamjenski član
4. Sumeja Essidiri, zamjenski član.

II

Mandat zamjenskog predsjednika i zamjenskih članova iz tačke I ovog rješenja traje do izbora novog predsjednika i članova u postupku propisanom članom 2.12 stav (5) Izbornog Zakona.

III

Ovo rješenje stupa na snagu danom objave u „Službenom glasniku Općine Tešanj“, a primjenjivat će se nakon dostavljanja saglasnosti Centralne izborne komisije BiH.

**OPĆINA TEŠANJ
OPĆINSKO VIJEĆE****PREDSJEDAVALJUĆI VIJEĆA
Amir Kurtić, s. r.**

Broj: 01-04-2-1432-4/22

Datum: 13.06.2022. godine

Na osnovu člana 29. Zakona o zaštiti i spašavanju ljudi i materijalnih dobara od prirodnih i drugih nesreća («Službene novine Federacije BiH», broj: 39/03, 22/06, 43/10) i člana 30. Statuta Općine Tešanj («Službeni glasnik Općine Tešanj», broj 11/07), Općinski načelnik na prijedlog Općinskog štaba civilne zaštite **d o n o s i**

**ODLUKU O PROGLAŠENJU STANJA
PRIRODNE NESREĆE - «POPLAVA»NA
PODRUČJU OPĆINE TEŠANJ****Član 1.**

Prolašava se stanje prirodne i druge nesreće na području općine Tešanj usljed prirodne nesreće - poplava.

Član 2.

Na spriječavanju opasnosti i otklanjanju posljedica od poplave angažovat će se lokalno stanovništvo, radnici javnih preduzeća i drugih pravnih lica koja su locirana na području općine Tešanj.

Član 3.

Zadužuje se Služba civilne zaštite, Profesionalna vatrogasna jedinica Tešanj, JP “Rad” Tešanj, Policijska stanica Tešanj, Centar za socijalni rad Tešanj, Crveni križ Tešanj, rukovodioci općinskih službi i rukovodioci pravnih i drugih institucija, da u okviru svog djelokruga rada pruže pomoć u cilju spriječavanja opasnosti i otklanjanju posljedica prouzrokovanih poplavom.

Zadužuje se Općinski štab civilne zaštite da u skladu sa Općinskim planom zaštite i spašavanja, izvrši aktiviranje odgovarajućih službi, jedinica, povjerenika, a po potrebi i drugih pravnih subjekata i građana radi pružanja pomoći na ugroženom području.

Član 4.

Organizaciju i koordinaciju pomenutih aktivnosti vršiti će Općinski štab civilne zaštite Tešanj, u saradnji sa predstavnicima mjesnih zajednica i direktorima preduzeća.

Član 5.

Obavezuju se rukovodioci organa uprave i javnih ustanova, kao i rukovodioci pravnih lica angažovanih u provođenju mjera na striktno provođenje svih naredbi Štaba CZ, kao i drugih mjera neophodnih za izvršenje u toku ovih aktivnosti.

Član 6.

U akcijama zaštite i spašavanja koristeće se sredstva iz Budžeta Općine Tešanj u iznosu od 150.000 KM koje će se obezbjediti putem Službe za finansije, privredu i inspekcije Općine Tešanj.

Član 7.

Zadužuju se nadležne općinske komisije za procjenu šteta da u skladu sa Uredbom o jedinstvenoj metodologiji za procjenu šteta od prirodnih i drugih nesreća (“Službene novine F BiH”, broj: 75/04, 38/06, 52/09 i 56/09), pokrenu aktivnosti radi izvršavanja svojih zadataka u skladu sa navedenom uredbom.

Član 8.

Ova Odluka traje dok postoji potreba provođenja mjera zaštite i spašavanja.

Član 9.

Ova Odluka stupa na snagu danom donošenja i bit će objavljena u «Službenom glasniku Općine Tešanj» i putem raspoloživih medija.

**OPĆINA TEŠANJ
OPĆINSKO VIJEĆE****OPĆINSKI NAČELNIK
Suad Huskić, s.r.**

Broj: 02-40-2-748-14/22

Datum: 10.06.2022. godine

Na osnovu člana 17. Zakona o javnim nabavkama ("Službeni glasnik BiH" broj: 39/14), člana 30. Statuta općine Tešanj (Službeni glasnik općine Tešanj" broj: 11/07), a u skladu sa Budžetom Općine Tešanj za 2022. godinu ("Službeni glasnik Općine Tešanj", broj: 11/21 od 31.12.2021.godine), Odlukom o izvršenju budžeta Općine Tešanj za 2022. godinu ("Službeni glasnik Općine Tešanj", broj: 11/21) a na zahtjev Službe za društvene djelatnosti i investicije te Službe za finansije, privredu, komunalne i inspeksijske poslove općine Tešanj, općinski Načelnik donosi:

ODLUKU
o dopuni i izmjeni Plana nabavki općine Tešanj za 2022.godinu

I

Po zahtjevu Službe za društvene djelatnosti i investicije općine Tešanj Plan javnih nabavki za 2022.godinu dopunjuje se tako što se u dijelu Plana javnih nabavki "radovi" dodaju tačke: 34., 35.,36., 37. i 38. koje glase:

RADOVI										
34	Izgradnja trotoara pored regionalne ceste R474 u Mjesnoj zajednici Dobropolje-Mekiš	45000000-7	17.094,02KM	Kapitalna ulaganja (Plan kapitalnih investicija)	615000 821000	Konkurentskipostupak	juni	august	Budžet općine	Trajanje ugovora 30 dana
35	Izgradnja rezervoara Karadaglije sa PS 3, općina Tešanj	45232150-8	97.435,90KM	Vodosnabdijevanje (dodatne količine vode i razvoj distributivne mreže)	821224	Otvoreni postupak	juni	august	Budžet općine, Ministarstvo poljop.šumarst. i vodoprivrede Ze-Do Kantona	Trajanje ugovora 90 dana
36	Izgradnja kanalizacije Mjesna zajednica Šijenastavak 2022.godine, općina Tešanj	45232410-9	85.470,10KM	Vodosnabdijevanje (dodatne količine vode i razvoj distributivne mreže)	821224	Otvoreni postupak	juni	august	Budžet općine, Ministarstvo poljop.šumarst. i vodoprivrede Ze-Do Kantona	Trajanje ugovora 90 dana
37	Nabavka, dovoz i ugradnja lomljenog	45000000-7	5.100,00KM	Kapitalna ulaganja (lista kapitalnih	615000	Direktni postupak	juni	juli	Budžet općine	Trajanje ugovora

	kamena uz prethodnu pripremu terena			ulaganja)-trasiranje novih puteva	821000					10 dana
38	Izrada priključka na tlačni cjevovod bunara Jelah-Polje, općina Tešanj	45232150-8	4.142,15KM	Vodosnabdijevanje (dodatne količine vode i razvoj distributivne mreže)	821224	Direktni postupak	juni	juli	Budžet općine	Trajanje ugovora 30 dana

II

Po zahtjevu Službe za finansije, privredu, komunalne i inspeksijske poslove i Službe za društvene djelatnosti i investicije općine Tešanj Plan javnih nabavki za 2022.godinu dopunjuje se tako što se u dijelu Plana javnih nabavki "usluge" dodaju tačke: 40., 41., 42., 43., 44., 45., 46. i 47. koja glasi:

	USLUGE									
40	Izrada Idejnog i Glavnog projekta izgradnje mosta preko Planjske rijeke i Čorića rijeke u Džemilić Planjama	71242000-6	6.000,00KM	Izrada prostorno-planske i druge projektne dokumentacije	821520	Direktni postupak	juni	juli	Budžet općine	Trajanje ugovora 60 dana
41	Izrada Idejnog i Glavnog projekta rekonstrukcije treće trake u Poslovnoj zoni „Bukva-Vila“, općina Tešanj	71242000-6	4.200,00KM	Izrada prostorno-planske i druge projektne dokumentacije	821520	Direktni postupak	juni	juli	Budžet općine	Trajanje ugovora 90 dana
42	Tehničko ispitivanje mosta na rijeci Usori u Kaloševiću, općina Tešanj	71632000-7	8.547,01KM	Kapitalna ulaganja (Plan kapitalnih investicija)	615000 821000	Konkurentskipostupak	juni	august	Budžet općine	Trajanje ugovora 30 dana
43	Nadzor nad realizacijom projekta „Zamjena postojećih svjetiljki LED rasvjetnim tijelima“	71247000-1	2.000,00KM	Uređenje rasvjete u urbanim zonama općine- zamjena postojećih svjetiljki led rasvjetnim tijelima	821611	Direktni postupak	august	septembar	Budžet općine	Trajanje ugovora 60 dana
44	Izrada Glavnog projekta	71242000-	5.100,00KM	Izrada prostorno-	821520	Direktni postupak	juni	juli	Budžet	Trajanje

	proširenja vodovodne mreže u Mjesnoj zajednici Dobropolje-Mekiš, općina Tešanj	6		planske i druge projektne dokumentacije					općine	ugovora 20 dana
45	Prevoz učenika devetih razreda Osnovnih škola do Memorijalnog centra Srebrenica i nazad	60172000-4	10.000,00KM	Grantovi za projekte mladih i za mlade i podrška Projektu Omladinska banka	614311	Konkurentski postupak	juni	septembar	Budžet općine	Trajanje ugovora 30 dana
46	Nadzor za izgradnju Probno-eksplatacionog bunara PEB-5, općina Tešanj	71247000-1	6.000,00KM	Vodosnabdijevanje (dodatne količine vode i razvoj distributivne mreže)	821224	Direktni postupak	juni	juli	Budžet općine	Trajanje ugovora 90 dana
47	Izrada Idejnog i Glavnog projekta rekonstrukcije mosta preko potoka Lužanjka sa rekonstrukcijom postojeće saobraćajnice	71242000-6	6.000,00KM	Izrada prostorno-planske i druge projektne dokumentacije	821520	Direktni postupak	juni	juli	Budžet općine	Trajanje ugovora 60 dana

III

Po zahtjevu Službe za društvene djelatnosti i investicije općine Tešanj Plan javnih nabavki za 2022.godinu dopunjuje se tako što se u dijelu Plana javnih nabavki "robe" dodaje tačka: 45. koja glasi:

	ROBE									
45	Nabavka i ugradnja robe za realizaciju projekta SCADA (upravljanje sistemom kanalizacije Tešanj)	42961000-0	30.000,00KM	Projekti prikupljanja, odvodnje i prečišćavanja otpadnih voda na području općine Tešanj	821000	Konkurentski postupak	juni	august	Budžet općine	Trajanje ugovora 45 dana

IV

Po zahtjevu Službe za društvene djelatnosti i investicije općine Tešanj Plan javnih nabavki za 2022.godinu mijenja se tako što se u dijelu Plana javnih nabavki "radovi" mijenjaju tačka: 30. (izmjena procijenjene vrijednosti, izvor finansiranja te roka pokretanja postupka i zaključenja ugovora) koja glasi:

	RADOVI - izmjena									
30	Realizacija liste Kapitalnih projekata 2022.godina, I Faza	45000000-7	719.546,62KM	Kapitalna ulaganja (Plan kapitalnih investicija)	615000 821000	Otvoreni postupak	juni	august	Budžet općine i Federalno min.raseljenih osoba i izbjeglica	Trajanje ugovora 60 dana

V

Ova Odluka objavit će se na Portalu javnih nabavki i web stranici ugovornog organa i čini sastavni dio Plana Javnih nabavki za 2022.godinu.

VI

Ova Odluka stupa na snagu danom donošenja i objavit će se u Službenom glasniku Općine Tešanj.

OPĆINA TEŠANJ
OPĆINSKO VIJEĆE

OPĆINSKI NAČELNIK
Suad Huskić, s.r.

Broj: 02-02-1-152-5/22

Datum: 06.06.2022.godine

Na osnovu člana 44. Zakona o plaćama i naknadama u organima vlasti Federacije Bosne i Hercegovine ("Službene novine Federacije BiH", broj 45/10 i 111/12), Odluke o organizaciji općinske uprave, odredbama Odluke o utvrđivanju platnih razreda i koeficijenata Općine Tešanj i Općinskog pravobranilaštva ("Službeni glasnik Općine Tešanj", broj 6/15), Mišljenja Sindikalne organizacije Tešanj broj 21/2022 od 16.2.2022. godine, te člana 30. Statuta Općine Tešanj ("Službeni glasnik općine Tešanj" broj 11/07) Općinski načelnik donosi

PRAVILNIK

o izmjeni Pravilnika o plaćama, naknadama i ostvarivanju određenih prava iz radnog odnosa uposlenika Općine Tešanj

Član 1.

Ovim pravilnikom vrši se izmjena Pravilnika o plaćama, naknadama i ostvarivanju određenih prava iz radnog odnosa uposlenika Općine Tešanj broj 02-02-1-1615-8/15 od 27.1.2016. godine i Pravilnika o izmjenama i dopunama Pravilnika o plaćama, naknadama i ostvarivanju određenih prava iz radnog odnosa uposlenika Općine Tešanj broj 02-02-1-1615-9/15 od 30.3.2016. godine, Pravilnika o izmjenama i dopunama Pravilnika o plaćama, naknadama i ostvarivanju određenih prava iz radnog odnosa uposlenika Općine Tešanj broj 02-1-1615-9/15 od 27.6.2017. godine, tako što se član 9. mijenja i glasi : "Uposlenici koji imaju pravo na dodatak na osnovnu plaću po osnovu posebnih uslova rada su:

- 1) inspektori 20%
- 2) vatrogasci i drugi uposlenici u profesionalnoj vatrogasnoj jedinici 5%."

Član 2.

U članu 29. stav 1. iza riječi godine, briše se tekst koji glasi: "izuzev člana 9. čija će se primjena vršiti periodično u skladu sa Budžetskim sredstvima i u skladu sa sporazumom sa Sindikatom Općine Tešanj."

Član 3.

Pravilnik će se objaviti na oglasnoj ploči Općine Tešanj i stupa na snagu osmog dana od dana objavljivanja.

Ovaj pravilnik primjenjivat će se za obračunski period počevši od 01.01.2022. godine.

Član 4.

Pravilnik će se objaviti u Službenom glasniku Općine Tešanj.

OPĆINA TEŠANJ OPĆINSKO VIJEĆE

OPĆINSKI NAČELNIK Suad Huskić, s.r.

Broj: 02-02-1-1615-14/15

Datum: 23.3.2022 godine

Na osnovu člana 44. Zakona o plaćama i naknadama u organima vlasti Federacije Bosne i Hercegovine ("Službene novine Federacije BiH", broj 45/10 i 111/12), u skladu sa odredbama Odluke o organizaciji općinske uprave, odredbama Odluke o utvrđivanju platnih razreda i koeficijenata Općine Tešanj i Općinskog pravobranilaštva ("Službeni glasnik Općine Tešanj", broj 6/15), Pravilnika o plaćama, naknadama i ostvarivanju određenih prava iz radnog odnosa uposlenika Općine Tešanj (broj 02-02-1-1615-8/15 od 27.1.2016. godine, broj 02-02-1-1615-9/15 od 30.3.2016. godine, broj 02-1-1615-9/15 od 27.6.2017. godine i broj 02-02-1-1615-14/15 od 23.3.2022. godine) i člana 30. Statuta Općine Tešanj ("Službeni glasnik općine Tešanj" broj 11/07), Općinski načelnik donosi

PRAVILNIK

o plaćama, naknadama i ostvarivanju određenih prava iz radnog odnosa uposlenika Općine Tešanj (SLUŽBENI PREČIŠĆENI TEKST)

I – Opće odredbe

Član 1.

Ovim pravilnikom u skladu sa zakonom i drugim propisima uređuju se pitanja koja se odnose na plaće i platne razrede, naknade plaće i druga primanja za državne službenike, namještenike, nosioce izvršnih funkcija, pripravnike i savjetnike u Općini Tešanj, kao i uposlenike u Općinskom pravobranilaštvu Općine Tešanj (u daljnjem tekstu: uposlenik), kao i volontere, te ostala pitanja od značaja za rješavanje materijalnih prava koja nemaju karakter plaća kao i ostvarivanje određenih prava iz radnog odnosa.

II - Plaće

Član 2.

Pri određivanju iznosa plaća i naknada za zaposlene u organima državne službe Općine Tešanj poštivat će se sljedeća načela: Ista plaća za isto radno mjesto: prema ovom načelu zaposleni u organu državne službe Općine Tešanj koji obavljaju poslove istog radnog mjesta odnosno iste ili slične poslove imaju pravo na istu osnovnu plaću po vrsti i stepenu stručne spreme.

Član 3.

Uposlenik za svoj rad ima pravo na plaću utvrđenu za radno mjesto na koje je postavljen odnosno raspoređen.

Plaća uposlenika utvrđuje se u bruto i neto iznosu.

Plaća u bruto iznosu obuhvata neto plaću, poreze i doprinose.

Plaća u neto iznosu sastoji se od osnovne plaće, dodatka na plaću.

Član 4.

Osnovica i bod za obračun plaće utvrđuju se odlukom općinskog vijeća o izvršavanju budžeta za svaku budžetsku godinu ili odlukom o privremenom finansiranju i primjenjuju se od 01.01. za svaku narednu godinu.

Utvrđivanje osnovice i boda vrši se u pregovorima sa sindikatom, a prije usvajanja odluke iz stava 1. ovoga člana. Ukoliko se ne postigne dogovor, Općinsko vijeće će utvrditi osnovicu i bod, pri čemu visina osnovice ne može biti niža od prethodno dogovorene. Ne može se utvrditi veća osnovica od osnovice utvrđene na federalnom nivou.

Član 4a.

Osnovna plaća utvrđuje se množenjem osnovice za plaću iz člana 4. stav 1. i boda za obračun plaće sa utvrđenim koeficijentom platnog razreda i tako utvrđeni iznos uvećava se za 0,5% za svaku započetu godinu penzijskog staža uposlenika, a najviše do 20 %.

U slučaju da množenjem utvrđene osnovice, boda za obračun plaće i pripadajućeg koeficijenta platnog razreda osnovna plaća iznosi manje od 70% prosječne neto plaće isplaćene u Federaciji BiH prema posljednjem objavljenom statističkom podatku, zaposleniku će se isplatiti plaća u navedenom postotku.

Koeficijenti za platne razrede utvrđeni su Odlukom Općinskog vijeća Tešanj

Član 5.

Plaće se obračunavaju za jedan mjesec unatrag, a isplaćuju za prethodni mjesec u skladu sa propisima o radu i Odlukom o izvršenju Budžeta Općine Tešanj (jedanput mjesečno za protekli mjesec i od jedne do druge isplate plaće ne može proći više od trideset dana).

Prilikom isplate plaće uposlenik dobiva pismeni obračun plaće (Listu).

Podaci o plaćama uposlenika (osnovica i koeficijent) su javni.

Član 6.

Sredstva za plaće i naknade uposlenika obezbjeđuju

se u Budžetu Općine Tešanj.

Član 7.

Shodno Odluci o organizaciji općinske uprave i Odluci o utvrđivanju platnih razreda i koeficijenata za

plaće nosilaca izvršnih funkcija, savjetnika, državnih službenika i namještenika u službama za upravu općine Tešanj i općinskom Pravobranilaštvu, uposlenici se razvrstavaju u određene platne razrede pa

im se u rješenju o postavljenju odnosno rasporedu na radno mjesto utvrđuje i koeficijent za obračun plaće tog platnog razreda.

Predmetna rješenja iz prethodnog stava ovog člana donosi Općinski načelnik za sve uposlenike Općine Tešanj, a za Općinskog načelnika rješenje potpisuje pomoćnik načelnika u nadležnoj službi za finansije i računovodstvo Općine Tešanj.

III – Povećanje plaće

Povećanje plaće za prekovremeni rad, rad noću i rad u dane sedmičnog odmora i dane praznika koji su po zakonu neradni

Član 8.

Uposleniku će se osnovna plaća uvećati za :

- noćni rad - 25% neto satnice,
- prekovremeni rad - 25% neto satnice,
- rad na dane sedmičnog odmora - 15% neto satnice

i

- rad u dane praznika koji su po zakonu državni praznici - 40% neto satnice

Naknade odnosno uvećanja plaće iz stava 1. ovog člana ostvaruju se donošenjem rješenja ili naloga u kome će biti precizno naznačeni vrsta poslova, period obavljanja poslova i broj izvršioca poslova. Obračun naknade iz prethodnog stava ovog člana vrši se od osnovne plaće bez dijela plaće po osnovu penzijskog staža.

Naknada iz ovog člana čini sastavni dio plaće.

Dodatak na plaću za posebne uvjete rada uposlenika

Član 9.

Uposlenici koji imaju pravo na dodatak na osnovnu plaću po osnovu posebnih uslova rada su:

- 1) inspektori 20%
- 2) vatrogasci i drugi uposlenici u profesionalnoj vatrogasnoj jedinici 5%.

Plaće pripravnika i naknade za volonere

Član 10.

Plaća pripravnika visoke, više i srednje školske sprema za rad u općini utvrđuje se u iznosu i to:

1. za visoku školsku spremu u iznosu od 80% od početne osnovne plaće utvrđene za radno mjesto stručnog saradnika;
 2. za višu školsku spremu u iznosu od 80% od početne osnovne plaće utvrđene za radno mjesto samostalnog referenta;
 3. za srednju školsku spremu u iznosu od 80% od početne osnovne plaće utvrđene za radno mjesto referenta.
- Početna osnovna plaća iz stava 1. ovog člana predstavlja samo iznos plaće bez dijela plaće po osnovu penzijskog staža.

Član 11.

Volonteri visoke, više i srednje školske spreme za rad u općini imaju pravo na naknadu i to:

1. za visoku školsku spremu u iznosu od 35% od osnovne plaće utvrđene za radno mjesto stručnog saradnika;
2. za višu školsku spremu u iznosu od 35% od osnovne plaće utvrđene za radno mjesto samostalnog referenta;
3. za srednju školsku spremu u iznosu od 35% od osnovne plaće utvrđene za radno mjesto referenta.

Visina naknade iz stava 1. ovog člana određuje se od osnovne plaće odgovarajuće školske spreme.

IV – Naknada plaće za slučajeve odsustva sa posla

Član 12.

Uposlenik ima pravo na punu plaću za vrijeme korištenja godišnjeg odmora i plaćenog odsustva kao i za vrijeme suspenzije s posla do okončanja disciplinskog postupka, odnosno do pravomoćnosti presude nadležnog suda, u skladu sa važećim zakonskim propisima.

Član 13.

Uposleniku pripada novčana naknada plaće za vrijeme privremene spriječenosti za rad u slučaju bolovanja, porodijskog odustva u skladu sa važećim zakonskim i drugim propisima.

V – Vrste naknada i druga materijalna primanja i postupak njihovog ostvarivanja

Naknade za prijevoz na posao i sa posla

Član 14.

Uposlenicima za potrebe prijevoza dolaska na posao i povratka sa posla, čije je mjesto stanovanja udaljeno od mjesta rada najmanje dva kilometra (2 km) pripada naknada u visini mjesečne karte javnog linijskog saobraćaja, na osnovu dokaza o visini mjesečna karta.

Ova naknada odobrava se rješenjem koje donosi

Općinski načelnik.

Naknada za korištenje godišnjeg odmora (regres)

Član 15.

Uposlenik ima pravo naknadu na ime korištenja godišnjeg odmora (regres) u iznosu od 50% u visini prosječne plaće isplaćene u Federaciji po zadnjem objavljenom statističkom podatku.

Pravo na regres iz stava 1. ovog člana ima svaki uposlenik koji u toku tekuće kalendarske godine ima pravo na godišnji odmor.

Isplata regresa za sve uposlene u Općini vrši se nakon donošenja pojedinačnih rješenja o korištenju godišnjeg odmora za kalendarsku godinu, a najkasnije do 30.06. tekuće godine.

Naknada za topli obrok

Član 16.

Uposlenik ima pravo na naknadu za ishranu za vrijeme rada (topli obrok) samo za dane prisustva na poslu, u iznosu od 1% prosječne neto plaće u Federaciji BiH prema posljednjem objavljenom podatku Federalnog zavoda za statistiku.

Pravo na naknadu iz stava 1. ovog člana ne ostvaruje se u slučaju odsustvovanja sa posla po bilo kom opravdanom, ili neopravdanom osnovu (službeni put, godišnji odmor, plaćeno odsustvo, odsustvo zbog bolesti i sl.).

Stimulacija i nagrađivanje uposlenika

Član 17.

Stimulacija uposlenika se dodjeljuje po Pravilniku o nagrađivanju uposlenih u općinskom organu uprave. Stimulacija po osnovu kriterija 1. Pravilnika o nagrađivanju (obim poslova) može se isplaćivati najviše do 20% u toku mjeseca.

Odluku o dodjeli stimulacija iz stava 1. i 2. ovog člana donosi Općinski načelnik, na prijedlog pomoćnika načelnika službe u kojoj se uposlenik nalazi ili na osnovu vlastite ocjene.

Uposlenicima se može isplatiti nagrada/poklon povodom vjerskih, nacionalnih i državnih praznika, s tim da njihova ukupna vrijednost na godišnjem nivou iznosi 30% od prosječne neto plaće isplaćene u Federaciji BiH, prema zadnjem objavljenom statističkom podatku, a prema materijalnim mogućnostima Općine o čemu Općinski načelnik donosi posebno rješenje.

Naknada za slučaj smrti i pravo na osiguranje od posljedica nesretnog slučaja

Član 18.

U slučaju smrti uposlenika koji je u radnom odnosu u Općini Tešanj njegovoj porodici se isplaćuju troškovi sahrane u visini od četiri prosječne neto plaće

isplaćene u Federaciji prema zadnjem objavljenom statističkom podatku.

Naknada iz stava 1. ovog člana isplaćuje se i u slučaju smrti člana uže porodice uposlenika.

Ukoliko u Općini Tešanj rade dva ili više članova porodice, troškovi sahrane iz stava 1. ovog člana se isplaćuju samo jednom zaposlenom članu porodice.

U slučaju smrti roditelja koji nije u zajedničkom domaćinstvu sa uposlenikom, isplatit će se jednokratna novčana naknada za troškove sahrane u visini jedne prosječne neto plaće isplaćene u Federaciji prema zadnjem objavljenom statističkom podatku.

Uposlenik ima pravo na osiguranje od posljedica nesretnog slučaja sa uključenim rizikom od prirodne smrti za vrijeme trajanja radnog odnosa u Općini Tešanj.

Visina osiguranja po ovoj osnovi određuje se prema polici osiguranja od posljedica nesretnog slučaja odnosno polici osiguranja od prirodne smrti.

Ugovor o osiguranju sa odgovarajućom osiguravajućom kućom zaključuje Općinski načelnik za sve uposlenike i druge angažovane u Općini Tešanj.

Naknada za slučaj teške invalidnosti ili teške bolesti

Član 19.

U slučaju povrede na radu, teške bolesti ili invalidnosti državnog službenika ili namještenika ili člana

njegove uže porodice isplaćuje se jednokratna novčana pomoć u visini od dvije prosječne neto plaće isplaćene u Federaciji prema zadnjem objavljenom statističkom podatku.

Pod teškom bolešću iz stava 1. ovog člana, podrazumijevaju se slijedeće bolesti: akutna tuberkuloza,

maligna oboljenja, endemska nefropatija, hiruška intervencija na srcu i mozgu, sve vrste degenerativnih oboljenja centralnog nervnog sistema, infarkt (srčani i moždani), oboljenje mišićnog sistema, paraliza i druge teške bolesti određene općim aktom Federalnog ministarstva zdravstva.

Bolest, odnosno tjelesna povreda se dokazuje na osnovu dijagnoze zdravstvene ustanove.

Pravo na jednokratnu novčanu pomoć iz stava 1. ovog člana, na osnovu teške invalidnosti ostvaruje se za utvrđeni stepen invalidnosti od najmanje 60%.

Član 20.

Pod članom uže porodice iz člana 18. i 19. ovog Pravilnika podrazumijevaju se sljedeći članovi porodice uposlenika:

1. braćni i vanbraćni drug ako žive u zajedničkom

domaćinstvu,

2. dijete (bračno, vanbračno, usvojeno, pastorče i dijete bez roditelja uzeto na izdržavanje do 18

godina odnosno do 26 godina starosti ako se nalaze na redovnom školovanju i nisu u radnom odnosu, a djeca nesposobna za rad bez obzira na starosnu dob),

3. roditelji (otac, majka, očuh, maćeha i usvojitelji) pod uvjetom da žive u zajedničkom domaćinstvu sa uposlenikom,

4. braća i sestre bez roditelja do 18 odnosno do 26 godina starosti ako se nalaze na redovnom školovanju i nemaju drugih prihoda već ih korisnik naknade stvarno izdržava ili je obaveza njihovog izdržavanja zakonom utvrđena, a ako su nesposobni za rad, bez obzira na starosnu dob, pod uvjetom da s njima živi u zajedničkom domaćinstvu i unučad ako nemaju roditelja i žive u zajedničkom domaćinstvu sa uposlenikom.

Otpremnina za odlazak u penziju

Član 21.

Uposlenik ima pravo na otpremninu prilikom odlaska u penziju u iznosu od 5 (pet) njegovih ostvarenih prosječnih neto plaća isplaćenih u prethodnih 5 (pet) mjeseci.

Naknada za prekobrojnost

Član 22.

U slučaju prestanka radnog odnosa usljed prekobrojnosti uposlenik ima pravo na naknadu u iznosu i

- to:
- za radni staž do 10 godina naknada iznosi 3 (tri) neto plaće uposlenika
 - za radni staž do 11 do 30 godina, naknada iznosi 6 (šest) neto plaća uposlenika
 - za radni staž preko 30 godina naknada iznosi 10 (deset) neto plaća uposlenika

Otpremnina iz ovog člana isplaćuje se odmah, kada rješenje o prestanku radnog odnosa zbog prekobrojnosti postane konačno.

Naknada za rad u Komisijama

Član 23.

Članovi komisije koji se formiraju na osnovu rješenja Općinskog načelnika, a čije osnivanje je predviđeno zakonom, imaju pravo na maksimalnu mjesečnu naknadu za rad u komisiji do visine jedne i pol (1,5) osnovice iz člana 4. ovog Pravilnika.

Visinu naknade za rad u komisijama utvrđuje Općinski načelnik svojim rješenjem o imenovanju članova komisije odnosno posebnim aktom.

Postupak ostvarivanja naknade i drugih materijalnih primanja

Član 24.

Uposlenik po službenoj dužnosti ostvaruje sljedeće naknade i materijalna primanja:

- Naknada plaće za vrijeme godišnjeg odmora,
 - Naknada plaće za vrijeme bolovanja i porodiljskog odsustva,
 - Naknada plaće za vrijeme udaljenja – suspenzija,
 - Naknada za regres i godišnji odmor,
 - Naknada za topli obrok,
 - Naknada za prekobrojnost,
 - Nagrada za rezultate rada,
 - Otpremnina za odlazak u penziju,
 - Osiguranje od posljedica nesretnog slučaja ili smrti.
- Uposlenik na osnovu pismenog zahtjeva ostvaruje sljedeće naknade:

- Naknada plaćenog odsustva,
- Naknada za slučaj smrti,
- Naknada za slučaj teške invalidnosti ili teške bolesti.

Za slučaj smrti uposlenika zahtjev za naknadu podnosi član porodice.

Prilikom podnošenja zahtjeva uposlenik je dužan uz zahtjev priložiti dokumente potrebne za odlučivanje o pravima iz zahtjeva.

VI – Naknade za službeno putovanje**Član 25.**

Uposlenici upućeni na službeno putovanje imaju pravo na naknadu troškova dnevnice, noćenja, prijevoza i ostalih izdataka nastalih u vezi sa službenim putovanjem.

Visina dnevnica i drugih troškova službenog putovanja i način njihovog obračuna uređuje Pravilnikom o naknadama troškova za službena putovanja Općine Tešanj.

VII – Umanjenje plaće uposleniku**Član 26.**

Uposlenom u Općini Tešanj služba nadležna za finansije izvršit će umanjenje plaće, na osnovu odgovarajućeg rješenja, i to u slučaju:

- izvršenja konačnog rješenja disciplinske komisije o izrečenoj novčanoj kazni;
- obaveze nadoknade novčanog iznosa materijalne štete prouzrokovane namjerno ili iz grube nepažnje tokom rada u skladu sa članom 60. Zakona o državnoj službi u Federaciji BiH,
- u drugim slučajevima propisanim Zakonom i podzakonskim aktima.

Umanjenje plaće za jedan mjesec ne može biti veće od Zakonom propisanog iznosa.

VIII – Sredstva za plaće, naknade i materijalne**troškove****Član 27.**

Plaće za uposlene planiraju se godišnjim finansijskim planom, koji donosi Općinski načelnik u skladu sa sredstvima koja se osiguravaju u budžetu Općine Tešanj.

Realizaciju finansijskog plana vrši služba nadležna za finansije.

IX Radno vrijeme**Član 28.**

Radno vrijeme uposlenika Općine Tešanj iznosi 40 sati sedmično i raspoređuje se po pravilu na pet radnih dana u sedmici.

Vrijeme pauze od 30 minuta u toku radnog vremena ne uračunava se u redovno radno vrijeme.

Na zahtjev uposlenika pauza iz stava 2. ovog člana može trajati do jednog sata za jedan dan u toku radne sedmice.

U slučaju korištenja pauze iz stava 3. ovog člana izvršit će se usklađivanje radnog vremena do punog radnog vremena.

X – Završne odredbe**Član 29.**

Ovaj Pravilnik stupa na snagu danom donošenja, a primjenjivat će se za obračune i isplate plaća i naknada od 01.01.2016. godine.

Primjenom ovog Pravilnika uskladit će se sva primanja i plaće uposlenika Općine Tešanj sa odredbama ovog Pravilnika, kao i staviti van snage propisi koji su uređivali oblast plaća i naknada.

Primjenom ovog Pravilnika prestaje da važi Pravilnik o plaćama i naknadama plaće državnih službenika i namještenika u općinskom organu uprave općine Tešanj („Službeni glasnik Općine Tešanj“, broj: 8/09, 9/09, 3/11 i 3/12).

Član 30.

Ovaj prečišćeni tekst uključuje osnovni Pravilnik i sve izmjene i dopune, te se ovaj prečišćeni tekst primjenjuje kao zvaničan Pravilnik o plaćama, naknadama i ostvarivanju određenih prava iz radnog odnosa uposlenika Općine Tešanj.

Ovaj Pravilnik primjenjuje od dana donošenja.

OPĆINA TEŠANJ
OPĆINSKO VIJEĆE

OPĆINSKI NAČELNIK
Suad Huskić, s.r.

Broj: 02-02-1-1615-15/15

Datum: 4.4.2022 godine

S A D R Ź A J

<u>I - AKTI OPĆINSKOG VIJEĆA</u>		Strana
55.	Rješenje o razrješenju predsjednika i tri člana Općinske izborne komisije Tešanj.....	193
56.	Rješenje o imenovanju zamjenskog predsjednika i tri zamjenska člana Općinske izborne komisije Tešanj.....	193
 <u>II - AKTI OPĆINSKOG NAČELNIKA</u>		
28.	Odluka o proglašenju stanja prirodne nesreće – „poplava“ na području općine Tešanj.....	194
29.	Odluka o dopuni i izmjeni Plana nabavki općine Tešanj za 2022.godinu br.: 02-02-1-152-3/22.....	195
30.	Pravilnik o izmjeni Pravilnika o plaćama, naknadama i ostvarivanju određenih prava iz radnog odnosa uposlenika Općine Tešanj.....	199
31.	Pravilnik o plaćama, naknadama i ostvarivanju određenih prava iz radnog odnosa uposlenika Općine Tešanj (SLUŽBENI PREČIŠĆENI TEKST).....	199

